

春秋左傳杜注

春秋左傳杜注卷第二

華亭姚培謙

桓公

名軌惠公之子隱公之弟母仲子史記亦名允謚法辟土服遠曰桓

經元年春王正月公即位

嗣子位定于初喪而改元必須踰年者繼父之業成父之志不忍有變于中年

也諸侯每首歲必有禮於廟諸遭喪繼位者因此而改元正位百官以序故國史亦書即位之事於策桓公篡立而用常禮欲自同于遭喪繼位者釋例論之

備矣

○三月公會鄭伯于垂鄭伯以璧假許田○夏

四月丁未公及鄭伯盟于越

公以篡立而修好於鄭鄭因而迎之成禮于垂終易二田然後結盟

垂犬邱衛地也越近垂地名鄭求祀周公晉聽受祊田令鄭廢秦山之祀○知其非禮故以璧假為文時之所隱○越當在山東兗州府曹州附近

秋大水

書災也傳例曰凡平原出水為大水○冢氏鉅翁曰不書月槩一秋而言也傷人害物而後書

○冬十月

傳元年春公即位修好于鄭鄭人請復祀周公卒

易枋田

事在隱八年復扶又反

公許之三月鄭伯以璧假許田爲

周公枋故也

魯不宜聽鄭祀周公又不宜易取枋田犯三不宜以動故隱其實不言枋稱璧假言若進璧以假田非久易也○爲去聲

○夏四月丁未公及鄭伯盟于越結枋成也

結成易二田之

事也傳以經不書枋故獨見枋○見賢遍反

盟曰渝盟無享國

渝變也

○秋大水凡平原出水爲大水

廣平曰原

○冬鄭伯拜盟

鄭伯若自來則經不書若遣使則當言鄭人不得稱鄭伯疑謬誤

○宋華父督見孔父之妻于路

華父督宋戴公孫也孔父目嘉孔子六世祖○華去聲

逆而送之曰美而豔

色美曰豔以贍反

經二年春王正月戊申宋督弑其君與夷及其大

夫孔父

稱督以弑罪在督也孔父稱名者內不能治其閭門外取怨于民身死而禍及其君。啜氏助曰孔字父美稱也孔氏之先皆以字

連父故有弗父金父若孔為氏豈世世改乎。又春秋時名嘉者多字孔是其證也。顧氏炎武曰按家語本姓爲宋襄公庶生弗父何何生宋父周周生世子勝勝生正考父考父生孔父嘉其後以孔為氏然則仲尼氏孔正以王父之子劉原父以為己名其君于上則不得字其臣于下竊意春秋諸侯卒必書名而大夫則命卿稱字無生卒之別亦未嘗以名字為尊卑之分桓十七年蔡侯封人卒蔡季自陳歸于蔡名其君於上字其臣於下也昭二十二年劉子單子以王猛居于皇劉子單子以王猛入于王城爵其臣于上名其君于下也。

○滕子來朝

無傳隱十一年稱侯季稱子者蓋時王所黜。孔疏

于時東周雖微猶為天下共主尚得命邾為諸侯明能黜滕為子爵

○三月公會齊侯陳侯鄭伯

于稷以成宋亂

成平也宋有弑君之亂故為會欲以平之稷宋地。當在今河南歸德府境

○夏四

月取郕大鼎于宋戊申納于大廟

宋以鼎賂公大廟周公廟也始欲平宋之亂辭于受

略故備書之戊申五

月十日。大音秦

○秋七月杞侯來朝

公即位而來朝。杞公敬作紀程子曰。凡杞稱侯者

皆當為紀杞爵

非侯文誤也

○蔡侯鄭伯會于鄧

潁川名。潁縣西南有鄧城。召陵縣即今河南開封府鄧

城縣是也。縣東南三

十五里有鄧襄城

○九月入杞

不稱主帥微者也。弗地曰入。帥所類反。

○公及戎

盟于唐。冬，公至自唐

傳例曰。告于廟也。特相會故致地也。凡公行還。不書至者。皆不告廟也。隱不書至。謙不敢自同。

於江君者

勞策勲

傳二年春，宋督攻孔氏，殺孔父而取其妻。公怒，督

懼，遂弑殤公。君子以督為有無君之心，而後動於

惡。

雖有君若無也。故先書弑其君

公羊傳。孔父可謂義形于色矣。其義形于色奈何。督將弑殤公。孔父生而存。則殤

公不可得而弑也。故于是先攻孔父之家。殤公知孔父死已必死。趨而救之。皆死焉。孔父正色而立。于朝則人莫敢過。而致難于其君者。孔父可謂義形于色。

矣。按孔父有扞君之節，而左氏不書。故備錄公羊之說，以著其實。

○會于稷，以成宋亂，為賂故，立華氏也。

經稱平宋亂者，蓋以魯君受賂。

立華氏貪縱之甚，惡其指斥，故遠言始與齊陳鄭為會之本意也。傳言為賂，故立華氏，明經本書平宋亂為公諱。諱在受賂立華氏也。猶壁假許田為周公祊，故所謂婉而成章。督未死而賜族，督之妾也。為賂去聲。

宋殤公立十年十一戰。

殤公以隱四年

立十一戰皆在隱公世。

民不堪命，孔父嘉為司馬，督為大宰，故因

民之不堪命，先宣言曰：司馬則然。

言公之數戰，則司馬使爾。嘉，孔父字。數音朔。

已殺孔父而弑殤公，召莊公于鄭而立之，以親鄭

莊公公子馮也。隱三年出居于鄭，馮入宋不書，不告也。

以郟大鼎賂公。

郟國所造器也。故繫名於郟。濟陰城武縣東南有北

郟城。郟有二城，北郟城則為郟國，又南二里曰南郟城。則為宋邑。隱十年取郟是也。俱在山東兗州府城武縣。

齊陳鄭皆有

賂故遂相宋公

○夏四月取部大鼎于宋戊申納于大廟非禮也

臧哀伯諫曰

臧哀伯魯大夫僖伯之子

君人者將昭德塞違以臨照

百官猶懼或失之故昭令德以示子孫是以清廟

茅屋

以茅飾屋著儉也清廟肅然清靜之稱也

大路越席

大路玉路祀天車也越席結草越音活

大羹不

致

大羹肉汁不致五味

粢食不鑿

黍稷曰粢不精鑿○粢音咨食音詞鑿于洛反精米也糲米石春為八斗

昭其

儉也

此四者皆示儉

衮冕黻珽

衮畫衣也冕冠也黻韋韞以蔽膝也珽玉笏也若今吏之持簿○珽他頂反韞音必持簿手版

也帶裳幅舄

帶革帶也衣下曰裳幅若今行滕者舄複履○幅音逼

衡紃紼紼

衡維持冠者紃維持冠者

紃纓從下而上者纓冠上覆紃多敢反紃獲耕反紃音延

昭其度也

尊卑各有制度

藻率鞞鞞

藻率藻率鞞鞞

以韋為之所以藉玉也。王五采。公侯伯三采。子男二采。鞞佩。鞞屬游纓。

刀削上飾鞞下飾。率音律。鞞音丙。鞞布孔反。削仙妙反。鞞紳帶也。一名大帶。屬大帶之垂者。游旌旗之游纓在馬膺前如索。鞞音步。干反。游旌同。昭其數也。尊卑各有數。火

龍黼黻。火畫火也。龍畫龍也。白與黑謂之黼。昭其文也。以文章明貴賤。五

色比象。昭其物也。車服器械之有五色皆以比象。天地四方以示器物不虛設。錫鸞和鈴。

昭其聲也。錫在馬額。鸞在鑣。和在銜。鈴在旂。動皆有鳴聲。錫音揚。馬面當虛。三辰旂旗。昭其明

也。三辰日月星也。畫於旂旗象天之明。夫德儉而有度。登降有數。登降謂上下尊卑。文物

以紀之。聲明以發之。以臨照百官。百官於是乎戒

懼。而不敢易紀律。今滅德立違。謂立華督違命之臣。而寘其賂器

於大廟。以明示百官。百官象之。其又何誅焉。國家

之敗由官邪也。官之失德，寵賂章也。郟鼎在廟，章

孰甚焉。武王克商，遷九鼎于雒邑。

九鼎殷所受夏九鼎也。武王克商，乃營雒邑而後去。

之又遷九鼎焉。時但營洛邑，未有都城。至周公乃卒營雒邑，謂之王城，即今河南城也。故傳曰：成王定鼎于郊，鄩音洛。今河南河南府洛陽縣城內西偏，即王城故址。義士猶或非之。蓋伯夷之屬。而況將昭違亂之賂

器於大廟，其若之何。公不聽。周內史聞之，曰：臧孫

達其有後於魯乎。君違，不忘諫之以德。

內史周大夫官也。傳伯諫隱觀。

魚其子哀伯諫桓納鼎，積善之家，必有餘慶。故曰：其有後于魯。

○秋七月，杞侯來朝，不敬。杞侯歸，乃謀伐之。

○劉氏敬曰：左

氏誤紀為杞，遂生不敬之說。注氏克寬曰：蓋因僖二十七年春，杞子來朝，秋，公子遂帥師入杞，而附會其說耳。

○蔡侯鄭伯會于鄧始懼楚也

楚國今南郡江陵縣北紀南城也。楚武王始僭號稱王欲

害中國蔡鄭姬姓近楚故懼而會謀。江陵

縣今屬湖廣荊州府紀南城在府北十里

○九月入杞討不敬也

○公及戎盟于唐修舊好也

惠隱之好

○冬公至自唐告

于廟也凡公行告于宗廟反行飲至舍爵策勳焉

禮也

將飲酒器也既飲置爵則書勳勞于策言速紀有功也。舍去聲

特相會往來稱地讓事

也特相會公與一國會也會必有主二人獨會則莫肯為主兩讓會事不成故但書地

自參以上則往稱地

來稱會成事也

成會事。參七南反上上聲

○初晉穆侯之夫人姜氏以條之役生太子命之

曰仇

條晉地。天子文侯也。意取于戰相仇怨。○史記穆侯七年伐條。今山西平陽府解州安邑縣有中條山。縣北三十里有鳴條。陶悅音求。

其弟以千畝之戰。生命之曰成師。

桓叔也。西河界休縣。有地名千畝。意取能成。

其衆。○穆侯十年伐千畝。有功。界休縣。今屬山西汾州府。顧氏炎武曰。穆侯時。晉境不得至界休。按史記趙世家正義曰。千畝原在晉州。岳陽縣北九十里。岳陽縣今屬平陽府。

師服曰。異哉。君之名子也。

師服晉大夫。

夫名以制

義

名之必可言也。

義以出禮

禮從義出。

禮以體政

政以禮成。

政以正民。是以

政成而民聽。易則生亂。

反易禮義則亂生也。

嘉耦曰妃。

妃。配也。怨耦。

曰仇。古之命也。

自古有此言。

今君命天子曰仇。弟曰成師。

始兆亂矣。兄其替乎。

穆侯愛少子桓叔。得取於戰。以為名所附。意異。故師服知桓叔之黨必盛於晉。以傾宗國。

故因名以諷諫。

惠之二十四年。晉始亂。故封桓叔于曲沃。

惠公。

也。晉文侯卒，子昭侯元年危，不自安，封成師為曲沃伯。

靖侯之孫欒賓傳之。

靖侯桓叔之高祖，父言得實寵。

公孫為傅相，樂力官反。

師服曰：吾聞國家之立也，本大而末小，是

以能固，故天子建國。

立諸侯也。

諸侯立家。

卿大夫稱家。

卿置側室。

側室，眾子也。

大夫有貳宗。

適子為小宗，次者為貳宗，以相輔貳。○卿立庶子之長以為側室，大夫立大宗之次子以為

貳宗，孔疏：貳宗與側室為例，皆官名，與五宗別。

士有隸子弟。

士卑自以其子弟為隸。

庶人工商各

有分親，皆有等衰。

庶人無復尊卑，以親疏為分別也。衰，殺也。分扶問反，親七刃反，衰初危反。

是以民

服事其上，而下無覬覦。

下不冀望上位。覬，音其，覦，羊朱反。

今晉，甸侯也，而

建國本既弱矣，其能久乎？

諸侯而在甸服者。

惠之三十年，晉

潘父弑昭侯而納桓叔，不克。

潘父，晉大夫也。昭侯，文侯子。

晉人立孝

侯昭侯子也

惠之四十五年曲沃莊伯伐翼弑孝侯

莊伯子翼

晉國所都

翼人立其弟鄂侯鄂侯生哀侯

鄂侯以隱五年奔隨其年秋王立哀侯于翼

哀侯侵陘庭之田

陘庭翼南部邑○陘音刑○翼即今平陽府翼城縣縣東南七十五里有焚庭城志云即陘庭也

庭南鄙啓曲沃伐翼

經三年春正月公會齊侯于嬴

經之首時必書王明此歷天王之所班也其或廢法違常

失不班歷故不書王贏齊邑今泰山贏縣○陸氏隴其曰穀梁以為桓無王故不書王杜氏以為王不班歷故不書王劉炫以為闕文三說者未敢定為孰是但劉

氏據子朝之亂王位且未定何能班歷而亦書王駁得甚是贏縣故城在今山東泰安府東南五十里

○夏齊侯衛侯胥

命于蒲

申約言以相命而不敵血也蒲衛地在陳留長垣縣西南○今直隸大名府長垣縣治故蒲城是也

○六月公

會杞侯于郕

杞公羊作紀

○秋七月壬辰朔日有食之既

無傳既盡也。歷家之說謂日光以望時，遠奪月光，故月食。日月同會，月掩日，故日食。食有上下者，行有高下。日光輪存而中食者，相掩密，故日光溢。出皆既者，正相當而相掩間疏也。然聖人不言。○公子翬如齊，逆女。禮君有故

則使卿逆九月，齊侯送姜氏于讙。讙，魯地，濟北蛇邱縣西。有下讙亭，已去齊國，故不言。女未至于魯，故不稱。

夫人。蛇以支反。○下讙，故城在今濟南府肥城縣西南。水經注云：俗訛為夏暉城。公會齊侯于讙。無傳夫人

姜氏至自齊。無傳。告於廟，也不言。聲以至者，齊侯送之，公受之於讙。○冬，齊侯使其弟

年來聘。○有年。無傳。五穀皆熟者有年。

傳三年春，曲沃武公伐翼，次于陘庭。韓萬御戎，梁

弘為右。武公，曲沃莊伯子也。韓萬，莊伯弟也。御戎，僕也。右，戎車之右。逐翼侯于汾隰。汾隰，汾水邊。

汾水出山西太原府解縣西南，至府城西。東南流經汾州平陽二府，至榮河縣北入河。驂絙而止。驂，驅車也。絙，繩也。夜獲

之及樂共叔

共叔植叔之傳樂實之子也身傳異侯父子各殉所奉之主故并見獲而死○共音恭

○會于贏成昏于齊也

公不由媒介自與齊侯會而成婚非禮也

○夏齊侯衛侯胥命于蒲不盟也

○公會杞侯于郕杞求成也

二年入杞故今來求成○汪氏克寬曰程子云杞稱侯皆當為紀左

傳云杞求成豈因入杞而傳會其說與高氏閔曰紀侯懼齊欲親魯郕亦然

○秋公子翬如齊逆女脩先君之好故曰公子

昏禮雖奉

時君之命其言必稱先君以為禮辭故公子翬逆女傳稱脩先君之好公子遂逆女傳稱尊君命互舉其義○陳氏際泰曰翬帥師不氏安知翬非未賜族乎至逆女始稱公子安知非桓德而賜之乎齊侯送姜氏非禮也凡公女嫁于

敵國姊妹則上卿送之以禮於先君公子則下卿

送之於大國。雖公子亦上卿送之於天子。則諸卿皆行。公不自送於小國。則上大夫送之。

○冬齊仲年來聘。致夫人也。

古者女出嫁。又使大夫隨加聘問。存謙敬。序殷勤也。在魯而出。則曰

致女在他國而來。則總曰聘。故傳以致夫人釋之。

○芮伯萬之母芮姜。惡芮伯之多寵人也。故逐之。

出居于魏。

為明年秦侵芮。張本。芮國在馮翊臨晉縣。魏國河東河北縣。芮如銳反。今陝西西安府同州朝邑縣有芮故城。在黃河

西岸。括地志。魏故國在芮城縣北五里。今山西平陽府解州芮城縣河北故城是也。

經四年春正月。公狩于郎。

冬獵曰狩。行三驅之禮。得田狩之時。故傳曰書時。禮也。周之春夏之冬也。

田狩從夏時。郎非國內之狩地。故書地。

○夏天王使宰渠伯糾來聘。

宰官渠氏。伯糾名也。王官

之宰當以才授位而伯糾攝父之職出聘列國故書名以譏之國史之記必書年以集此公之事書首時以成此年之歲故春秋有空時而無事者今不書秋冬首月史闕文他皆放此○張氏洽曰渠采地伯糾糾名也為天子之冢宰而不能詔王以八柄取羣臣乃親奉命來聘魯桓故貶而名之糾居黜反

傳四年春正月公狩于郎書時禮也郎非狩地故唯時合禮

○夏周宰渠伯糾來聘父在故名

○秋秦師侵芮敗焉小之也秦以芮小輕之故為芮所敗○冬王師

秦師圍魏執芮伯以歸三年芮伯出居魏芮更立君秦為芮所敗故以芮伯歸將欲納之

經五年春正月甲戌己丑陳侯鮑卒未同盟而書名者來赴以名故也甲戌前

年十二月二十一日己丑此年正月六日陳亂故再赴赴雖日異而皆以正月起文故但書正月慎疑審事故從赴兩書○鮑步鮑反○夏齊

侯鄭伯如紀外相朝皆言如齊欲滅紀紀人懼而來告故書○天王使仍叔之子

來聘

仍叔天子之大夫稱仍叔之子本於父字幼弱之辭也。使童子出聘。公羊傳父老子代從政也。

○葬陳桓公

無傳

○城祝邱

無傳齊鄭將襲紀故祝邱注見莊四年

○秋蔡人衛人陳人從王

伐鄭

王自為伐鄭之主君臣之辭也。王師敗不書不以告。

○大雩

傳例曰書不時也。夫龍見之時。程子曰大雩雩于上帝用盛樂也。

諸侯寧于境內之山川耳

○冬蠶

無傳。蠶蟻之屬為災故書。○冬州公如曹。相容反。蟻相魚反。○冬州公如曹。

○冬州公如曹

不書奔以朝出也。為下寔來書也。曹國今濟陰定陶縣。程子曰州公嘗為王三公。故稱公。定陶縣今屬山東兗州府。縣西北四里有定陶故城。即曹國也。

傳五年春正月甲戌己丑陳侯鮑卒再赴也於是

陳亂文公子佗殺大子免而代之

佗桓公弟五父也。稱文公子。明佗非桓公母弟也。免。

桓公大子。佗。大何反。免音問。

公疾病而亂作國人分散故再赴

趙氏。趙氏。

有正當禍亂之時而暇競使人赴告。假令寔再赴。夫子亦當詳定其寔。日何乃總載之乎。且傳云公疾而難作此文亦據陳國史而記之。驗此則經文甲戌。

下當記陳佗作亂之事全簡脫之耳

○夏齊侯鄭伯朝于紀欲以襲之紀人知之

○王奪鄭伯政鄭伯不朝

奪不使知王政

秋王以諸侯伐鄭

鄭伯禦之王爲中軍虢公林父將右軍蔡人衛人

屬焉

虢公林父王卿士○將去聲

周公黑肩將左軍陳人屬焉

黑肩周桓公也

鄭子元請爲左拒以當蔡人衛人

子元鄭公子拒方陳○拒俱甫反

爲右

拒以當陳人曰陳亂民莫有鬪心若先犯之必奔

王卒顧之必亂蔡衛不枝固將先奔

不能相枝持也

既而萃

於王卒可以集事從之

萃聚也集成也

曼伯爲右拒曼伯禮伯祭仲

足爲左拒原繁高渠彌以中軍奉公爲魚麗之陳

先偏後伍伍承彌縫

司馬法車戰二十五乘爲偏以車居前以伍次之承偏之隙而彌縫開漏也五人爲伍此蓋魚

麗陳法。麗平聲。

戰于繻葛

繻葛鄭地。繻音須。

命二拒曰旂動而鼓

旂通帛也。

之蓋今大將之麾也執以爲號令。檜音檜。

蔡衛陳皆奔王卒亂鄭師合以攻

之王卒大敗祝聃射王中肩王亦能軍

雖軍敗身傷猶殿而不奔故言

能軍。射音石中去聲。

祝聃請從之公曰君子不欲多上人况敢

陵天子乎苟自救也社稷無隕多矣

鄭於此收兵自退。隕于敏反。

鄭伯使祭足勞王且問左右

祭足即祭仲之字蓋名仲字仲足也勞王問左右言鄭志在苟免王

討之非也。林氏堯叟曰以王討爲非未是勞去聲。

○仍叔之子弱也

仍叔之子來聘童子將命無違反之心父留在魯故經書夏聘傳釋之於末秋○按此或是傳文倒置耳

○秋大雩書不時也

十二公傳唯此年及襄二十六年有兩秋此雩雩祭之例欲顯天時以指事故重言秋異于凡

事○按周禮司巫國大旱則帥巫而舞雩然則因旱而雩亦是常禮汪氏克寬謂實以旱書而併著其借其義為長重直用反

凡祀啓蟄

而郊

言凡祀通下三句天地宗廟之事也啓蟄夏正建寅之月祀天南郊○蟄直立反

龍見而雩

龍見建巳之月蒼龍宿之

體昏見東方萬物始感待雨而大故祭天遠為百穀析膏雨○見賢遍反宿音秀

始殺而嘗

建酉之月陰氣始殺嘉穀始熟故薦嘗於

宗閉蟄而烝

建亥之月昆蟲閉戶萬物皆成可薦者衆故烝祭宗廟釋例論之備矣

過則書

卜日有吉否過

次節則書以譏慢也○孔疏卜不吉則當改卜次句卜不過三故限以一月過涉次月之節則書之以譏其慢

○冬淳于公如曹度其國危遂不復

淳于州國所都城陽淳于縣也國有危難

不能自安故出朝而遂不

還○淳于注詳隱四年

經六年春正月寔來

寔實也不言州公者承上五年冬經如曹間無異事省文從可知

○夏四

月公會紀侯于成

成魯地在泰山鉅平縣東南○今山東兗州府寧陽縣東北九十里有故城杜即古成城也

○

秋八月壬午大閱

齊為大國以戎事徵諸侯之成嘉美鄭忽而忽欲以有功為班怒而訴齊魯人懼之故以非時簡車馬

○蔡人殺陳佗

佗立踰年不稱爵者篡立未會諸侯也傳例在莊二十二年○陳厲公蔡出也故蔡人殺五父而立之見莊二

十二年傳程氏端學曰春秋有一事見一義者不必兼首尾其餘有首必有尾有尾必有首所謂屬辭比事者也蔡人殺陳佗事之尾也而首不經見五年正月

甲戌之下趙謂當記陳佗作亂事豈其然乎

○九月丁卯子同生

桓公子莊公也十二年公唯子同是適夫人

之長子備用大子之禮故史書之於策不稱大子者書始生也

○冬紀侯來朝

傳六年春自曹來朝書曰寔來不復其國也

亦承五年冬傳

淳于公如曹也言奔則來行朝禮言朝則遂留不去故變文言寔來

○楚武王侵隨

隨國今義陽隨縣。今湖廣德安府隨州是也。古城在州南。

使蓬章求成

焉

蓬章楚大夫。蓬于委反。

軍於瑕以待之

瑕隨地。

隨人使少師董成

少師隨大夫董正也。少去聲。

鬬伯比言於楚子曰。吾不得志於漢東

也。我則使然

鬬伯比楚大夫。今尹子文之父。

我張吾三軍而被吾甲兵

以武臨之。彼則懼而協以謀我。故難間也。漢東之

國隨爲大。隨張必棄小國

張自侈大也。張去聲。

小國離楚之利

也。少師侈。請羸師以張之

羸弱也。羸劣追反。

熊率且比曰。季

梁在。何益

熊率且比。楚大夫。季梁隨賢臣。車音律。且子余反。

鬬伯比曰。以爲後圖

少師得其君

言季梁之諫不過一見從隨侯卒當以少師爲計。故云以爲後圖。二年。蔡侯鄭伯會于鄧。始懼楚。楚子自此遂威。

終於抗衡中國故傳
備言其事以終始之

王毀軍而納少師

從伯比
之謀

少師歸請追

楚師隨侯將許之

信楚
弱也

季梁止之曰天方授楚楚之

羸其誘我也君何急焉臣聞小之能敵大也小道

大淫所謂道忠於民而信於神也上思利民忠也

祝史正辭信也

正辭不虛
稱君美

今民餒而君逞欲

逞
也

祝史

矯舉以祭臣不知其可也

詐稱功德
以欺鬼神

公曰吾牲牲肥腍

粢盛豐備何則不信

牲牛羊豕也牲純色完全也腍亦肥也秦穆曰
對
塗在器曰盛○牲音全腍徒忽反以音成

曰夫民神之主也

言鬼神之情
依民而行

是以聖王先成民而後

致力於神故奉牲以告曰博碩肥腍謂民力之普

存也

博廣也。碩大也。

謂其畜之碩大蕃滋也。謂其不疾癘

也。謂其備膾咸有也。

雖告神以博碩肥膾其實皆當兼此四謂民力適完則六畜既大而滋也。皮毛無疥癘者

備而無有所闕。○畜呼又反。癘七木反。蠱力果反。○說文作癘云癘癘皮肥也。

奉盛以告曰絜粢豐盛謂

其三時不害而民和年豐也。

三時春夏秋

奉酒醴以告曰

嘉粟旨酒

嘉善也。粟謹敬也。

謂其上下皆有嘉德而無違心

也。所謂馨香無諛慝也。

馨香之遠聞

故務其三時脩其五

教

父義母慈兄友弟恭子孝

親其九族以致其禋祀

禋潔敬九族謂外祖父外祖母從母子及妻父妻母

姑之子姊妹之子女子之子并己之同族皆外親有服而異族者也

於是乎民和而神降之福

故動則有成今民各有心而鬼神乏主

民饑餓也

君雖獨

豐其何福之有。君姑脩政而親兄弟之國。庶免於難。隨侯懼而脩政。楚不敢伐。

○夏會于成。紀來諮謀。齊難也。

齊從滅紀故來謀之

○北戎伐齊。齊侯使乞師于鄭。鄭大子忽帥師救齊。六月大敗戎師。獲其二帥大良、少良、甲首三百。

以獻於齊。

甲首被甲者首

於是諸侯之大夫戍齊。齊人饋之。

饋。

生曰饋。饋許器反。

使魯爲其班。後鄭。

班次也。魯親班齊饋則亦使大夫戍齊矣。經不書。蓋史闕文。

鄭忽以其有功也。怒故有郎之師。

郎師在十年

公之未昏

於齊也。齊侯欲以文姜妻鄭大子忽。大子忽辭。人

問其故。大子曰：人各有耦，齊大非吾耦也。詩云：自

求多福。

詩大雅文王言求福由己非由人也。

在我而已。大國何爲？君子曰：善

自爲謀。

言獨深其身謀不及國。

及其敗戎師也。齊侯又請妻之。

以安

妻之固辭。人問其故。大子曰：無事於齊，吾猶不敢，今以

君命奔齊之急，而受室以歸，是以師昏也。民其謂

我何

言必見性于民。

遂辭諸鄭伯。

鄭父之命以爲辭，爲十一年鄭忽出奔衛傳。

○秋大閱簡車馬也。

○九月丁卯，子同生，以大子生之禮舉之，接以大

牢。

大牢，牛羊豕也。以禮接夫人，重適也。陳氏澣曰：以大牢之禮接見其子。

卜士負之，士妻食之。

禮世子生。

三日卜士負之射人以桑弧蓬矢射天
地四方卜士之妻為乳母。食音嗣。公與文姜宗婦命之。世三

月君夫人沐浴于外寢立于阼階西鄉。世婦抱子升自西階君命之乃降蓋同宗之婦。公問名於申繻對

曰名有五有信有義有象有假有類。申繻魯大夫以名生

為信。若唐叔虞魯公子友以德命為義。若文王名昌武王名發以類命為象。若孔子首

邱取於物為假。若伯魚生人有饋之魚因名之曰鯉取於父為類。若子同生有與父同者不

以國。國君之子不自以本國為名也不以官不以山川不以隱疾。隱痛疾患辟不

不以畜牲。畜牲六畜不以器幣。幣玉帛周人以諱事神。名終

將諱之。君父之名固非臣子所斥然禮既卒哭以木鐸徇曰舍故而諱新謂舍親盡之祖而諱新死者故言以諱事神名終將諱之自父至高

祖皆不敢斥言。孔疏殷以往未有諱法諱始于周周以諱法敬事明神子生三月為之立名終久必將諱之故須豫有所辟為下諸廢張本也終將諱之

謂死後
乃諱之

故以國則廢名

國不可易故廢名。孔疏以國為名終卒之後則廢名不諱以國不可易也

以官

則廢職以山川則廢主

改其山川之名。劉氏炫曰廢主謂廢其所主山川不更得祀故須改其山川之名

魯改二
山是也

以畜牲則廢祀

名豬則廢豬
名羊則廢羊

以器幣則廢禮晉以

僖侯廢司徒

僖侯名司徒
廢為中軍

宋以武公廢司空

武公名司空
廢為司城

先

君獻武廢二山

二山具教也。魯獻公名具
武公名教更以其鄉名山

是以大物不可以

命公曰是其生也與吾同物命之曰同

物類也
謂同日

○冬紀侯來朝請王命以求成于齊公告不能

紀微
弱不

能自通于天子欲因公以請
王命公無寵於王故告不能

經七年春二月己亥焚咸邱

無傳焚火田也咸邱魯地高平
鉅野縣南有咸亭讀盡物故書

○鉅野縣今屬山東兗州府

○夏穀伯綏來朝鄧侯吾離來朝

不總綱朝者各

自行朝禮也穀國在南鄉筑陽縣北。筑音竹。今湖廣襄陽府穀城縣治。為故筑陽城古穀城在縣北釋例曰鄧國義陽鄧縣今襄陽府東北二十里

有鄧城
傳七年春穀伯鄧侯來朝名賤之也

辟陋小國賤之禮不足故書名以春來夏

乃行朝禮故經書夏。公羊傳皆何以名夫地之君也。劉氏故曰經書夏朝傳云春朝此傳所據者以夏正記事也

○夏盟向求成于鄭既而背之

盟向二邑名隱十一年王以與鄭故求與鄭成。盟音孟

向音餉背音佩

秋鄭人齊人衛人伐盟向王遷盟向之民于

邾

邾王城。今河南河南府洛陽縣西有邾邨陌亦謂之邾山

○冬曲沃伯誘晉小子侯殺之

曲沃伯武公也。小子侯哀侯子

經八年春正月己卯烝

無傳此夏之仲月非為過而書者為下五月復烝見禮也例在五年。孔疏衛氏

杜云上五年閉烝而烝謂十月此正月烝則是過時而烝秦氏釋云按周禮四時之祭皆用四仲之月此正月則是夏之仲冬何為不得烝而云過時也釋例曰周禮祭宗廟以仲月蓋言其下限也下限至于仲月則上限起于五月仲是下限則周之正月得為烝祭。○天王使家父

來聘

無傳家父天子大夫家氏父字。胡傳下聘弑逆之人而不加貶何也既名家字于前其餘無責焉乃同則書重之義以此見春秋任宰相

之專而責之備也陳氏深曰此年及十五年以上距幽王之卒七十五歲而詩即南山及家父刺幽王古人字或累世同之雲漢詩序仍叔美宣王桓五年仍叔之子來聘仍氏亦世字如趙氏世稱孟智氏世稱伯也。○夏五月丁丑烝無傳○秋伐邾無傳

○冬十月雨雪

無傳今八月也書時失

○祭公來遂逆王后于紀

祭公諸侯為天子三公者王使魯主昏故祭公來受命而迎也天子無外故因稱王后卿不書舉重畧輕。孔疏隱元年云祭伯令魯公知其為天子公

傳八年春滅翼

曲沃滅之

○隨少師有寵楚鬬伯比曰可矣。雖有釁不可失。

釁瑕隙也。無德也者。龍圖之釁也。

夏楚子合諸侯于沈鹿。

沈鹿楚地。今湖廣安陸府鍾祥縣東六

十里有鹿湖池。即其地。

黃隨不會。

黃國今弋陽縣。今河南汝寧府光州境。弋陽城在州東。黃城在州西。

使蘧章

讓黃

責其不會

楚子伐隨。軍於漢淮之間。季良請下之。弗

許。而後戰。

下之請服也。

所以怒我而怠寇也。少師謂隨侯

曰。必速戰。不然。將失楚師。隨侯禦之。望楚師。

遠見楚師。

梁曰。楚人上左。君必左。

君楚君也。

無與王遇。且攻其右。右

無良焉。必敗。偏敗。衆乃攜矣。少師曰。不當王。非敵

也。弗從。

不從季梁謀。

戰于速杞。隨師敗績。隨侯逸。

速杞隨地。速也。○速杞

當在今湖廣德安府應山縣境

鬪丹獲其戎車與其戎右少師

鬪丹楚大夫戎車君所乘

兵車也戎右車右也龍之故以為右

秋隨及楚平楚子將不許鬪伯比曰天

去其疾矣

去疾謂少師見獲而死

隨未可克也乃盟而還

○冬王命虢仲立晉哀侯之弟緡于晉

虢仲王卿士號公林父。緡亡

巾反

○祭公來遂逆王后于紀禮也

天子娶於諸侯使同姓諸侯為之主祭公來受命於魯故曰禮

經九年春紀季姜歸于京師

季姜桓王后也季字姜紀姓也書字者仲父母之尊

○夏

四月○秋七月○冬曹伯使其世子射姑來朝

曹伯有疾

故使其子來朝。射音亦

傳九年春紀季姜歸于京師凡諸侯之女行唯王

后書

為書婦人行例也適諸侯雖告魯猶不書

○巴子使韓服告于楚請與鄧為好

韓服巴行人巴國在巴郡江州縣隋改

江州為巴縣今屬四川重慶府

楚子使道朔將巴客以聘於鄧

道朔楚大夫巴客韓服

鄧南鄙鄧人攻而奪之幣

鄧在今鄧縣南沔水之北○鄧音曼○今湖廣襄陽府襄陽縣東北有鄧城

殺道朔及巴行人楚子使遠章讓於鄧鄧人弗受

言非鄧人所攻

夏楚使鬬廉帥師及巴師圍鄧

鬬廉楚大夫

鄧養甥

聃甥帥師救鄧三逐巴師不克

二甥皆鄧大夫○孔疏鄧師三逐巴師楚巴不勝故鬬廉

設權以誘之

鬬廉衡陳其師於巴師之中以戰而北

衡橫也分巴師

為二部關廬橫陳於其間以與鄧師戰而偽北北走也。衡音橫陳去聲。

鄧人逐之背巴師而夾攻

之

楚師偽走鄧師逐之背巴師巴師攻之楚師自前還與戰背音佩

鄧師大敗鄧人宵潰

宵夜也

○秋虢仲芮伯梁伯荀侯賈伯伐曲沃

梁國在馮翊夏陽縣荀賈皆國

名○夏陽縣即今陝西西安府韓城縣是也古少梁城在縣南二十里水經注古水出臨汾西又西南逕荀城在絳州西十五里絳州今屬山西平陽府又平

陽府臨汾縣有賈鄉

○冬曹大子來朝賓之以上卿禮也

諸侯之適子未誓於天子而攝其君則以

皮帛繼子男故賓之以上卿各當其國之上卿

享曹大子初獻樂奏而歎

酒始獻 施父

曰曹大子其有憂乎非歎所也

施父魯大夫

經十年春王正月庚申曹伯終生卒

未同盟而赴以名

○夏五

月葬曹桓公

無傳

○秋公會衛侯于桃邱弗遇

無傳

為會期中背公更與齊鄭故公獨往而不相遇也桃邱衛地濟北東阿縣東南有桃城○今山東東昌府東阿縣西五十里有桃城舖

○冬

十有二月丙午齊侯衛侯鄭伯來戰于郎

政侵伐而善來戰善魯之

用周班惡三國討有辭

傳十年春曹桓公卒

終施父之言

○號仲譖其大夫詹父於王

號仲王卿士詹父屬大夫

詹父有辭以

王師伐號夏號公出奔虞

虞國在河東大陽縣○唐改大陽曰平陸今屬山西平陽府解州古虞城

在縣東北

四十里

○秋秦人納芮伯萬于芮

四年圍魏所執者

○初虞叔有玉

虞叔虞公之弟

虞公求旃

旃之

弗獻既而悔之

曰周諺有之匹夫無罪懷璧其罪

人利其璧以璧為罪

吾焉用

此其以賈害也

賈買也賈音古

乃獻之又求其寶劍叔曰

是無厭也無厭將及我

將殺我厭平聲

遂伐虞公故虞公

出奔共池

共池地名關○共音恭○今山西平陽府平陸縣西四十里許有共池

○冬齊衛鄭來戰于郎我有辭也初北戎病齊

在齊

諸侯救之鄭公子忽有功焉齊人餽諸侯使魯次

之魯以周班後鄭鄭人怒請師於齊齊人以衛師

助之故不稱侵伐

不稱侵伐而以戰為文明魯直諸侯曲故言我有辭以禮自釋交綏而退無敗績○公羊傳何以不

言師敗績內不言
戰言戰乃敗矣

先書齊衛王爵也

鄭主兵而序齊衛下者以王爵次之也春秋所以見魯猶秉周

禮○胡傅鄭人主兵而首齊猶衛州吁主兵而先宋季氏本曰齊欲吞紀與鄭衛合魯則專意援紀者也三國來戰蓋為此兩考魯以援紀之故與齊不親自齊鄭如紀之後與魯不相通已六年矣何由至齊為班耶按季說可參故附錄之

經十有一年春正月齊人衛人鄭人盟于惡曹

惡曹

地闕○陳氏傅良曰此郎之諸侯也凡一役而再見者但人之略之也

○夏五月癸未鄭伯寤生

卒

同盟於元年赴以名

○秋七月葬鄭莊公

無傳三月而葬速

○九月宋

人執鄭祭仲

祭氏仲名不稱行人聽迫脅以逐君罪之也行人例在襄十一年釋例詳之

突歸于鄭

突厲公也為宋所納故曰歸例在成十八年不稱公子從告也文連祭仲故不言鄭

鄭忽出奔衛

忽昭公也莊公既葬不稱

爵者鄭人賤之以名赴○按未踰年之君稱子不稱子者從史文畧

○柔會宋公陳侯蔡叔盟于

折

無傳柔魯大夫未賜族者蔡叔蔡大夫叔名也折地闕。此大夫會盟諸侯之始。

公會宋公于夫鍾

無傳夫鍾邾地。夫音扶。今山東兗州府寧陽縣盛鄉城北有夫鍾里。

冬十有二月公會宋公

于闕

無傳闕魯地在東平須昌縣東南。今兗州府汶上縣西有闕亭在南旺湖中。

十一年春齊衛鄭宋盟于惡曹

宋不書經闕。張氏溥曰惡曹之盟齊衛鄭為

郎之戰謀魯而固黨也宋亦與焉經不書左云闕也及觀柔盟于折公會于夫鍾于闕魯君臣於宋獨親然則惡曹之盟宋果不與未可知也

楚屈瑕將盟貳軫

貳軫二國名。屈居勿反。貳在今隨州應山縣境軫在今應城縣西俱屬湖廣德安府

鄭人軍於蒲騷將與隨絞州蓼伐楚師

鄭國在江夏雲杜縣東南有鄭

城蒲騷鄭邑絞國名州國在南郡華容縣東南蓼國今義陽棘陽縣東南湖陽城。鄭音云騷音蕭絞古卯反。水經注澗水經安陸故城古郟城也今為

安陸縣屬德安府蒲騷在今應城縣北三十里絞在今湖廣鄖陽府西北州在今湖廣荊州府監利縣縣東三十里有州陵城蓼在今河南南陽府唐縣南八

十里夢音了

莫敖患之

莫敖楚官名即屈瑕

鬬廉曰。郟人軍其郊。必不

誠。且日虞四邑之至也。

虞度也。四邑隨絞州。夢也。邑亦國也。

君次於郊。郟以

禦四邑。

君謂屈瑕也。郟。郟楚地。今湖廣安陸府治郟州。故城是其地也。

我以銳師宵加於郟。

鄭有虞心。而恃其城。

恃近其城。

莫有鬬志。若敗郟師。四邑

必離。莫敖曰。盍請濟師於王。

盍何不也。濟。益也。

對曰。師克在

和。不在衆。商周之不敵。君之所聞也。

商紂也。周武王也。傳曰。武王有亂臣十人。

紂有億兆夷人。

成軍以出。又何濟焉。莫敖曰。卜之對曰。卜以

決疑。不疑何卜。遂敗郟師於蒲騷。卒盟而還。

卒盟貳軫。

○鄭昭公之敗北戎也。

在六年。

齊人將妻之。昭公辭。祭

仲曰必取之君多內寵子無大援將不立三公子

皆君也

子突子臺子儀之母皆有寵

弗從夏鄭莊公卒初祭封人仲

足有寵於莊公

祭鄭地陳留長垣縣東北有祭城封人守封疆者因以所守為氏○長垣縣今屬直隸大名府

莊

公使為卿為公娶鄧曼生昭公故祭仲立之

曼鄧姓宋

雍氏女於鄭莊公曰雍媾生厲公

雍氏媾姓宋大夫也以女妻人曰女○女去聲媾其

吉反

雍氏宗有寵於宋莊公故誘祭仲而執之

祭仲之如宋非

會非聘見誘而以行人應命

曰不立突將死亦執厲公而求賂焉祭

仲與宋人盟以厲公歸而立之秋九月丁亥昭公

奔衛己亥厲公立

經十有二年春正月○夏六月壬寅公會杞侯莒

子盟于曲池

曲池魯地魯國汶陽縣北有曲水亭○在今山東兗州府曲阜縣東北四十里源出石門山杞公穀作紀○

秋七月丁亥公會宋公燕人盟于穀邱

穀邱宋地燕人南燕大夫○穀

邾在今兗州府曹州北三十里

○八月壬辰陳侯躍卒

無傳厲公也十一年與魯大夫盟於折不書葬

魯不會也壬辰七月二十三日書於八月從赴

○公會宋公于虛

虛宋地○虛去魚反○疑在河南歸德府睢州境

○冬十有一月公會宋公于龜

龜宋地○疑亦在睢州境注氏克寬曰桓公屢至宋地強

宋公之從而不已固為屈辱然二盟四會皆以會宋為詞則是宋公有志於會盟矣蓋宋之所以會魯者將以求賂於鄭而魯之所以會宋者將以為鄭

免其賂是以卒不能降心以相從也

○丙戌公會鄭伯盟于武父

武父鄭地陳留濟陽縣東

北有武父城○在今直隸大名府東明縣西南與河南開封府蘭陽縣接界

○丙戌衛侯晉卒

無傳重書丙戌

非義例因史成文也。
未同盟而赴以名。

○十有二月及鄭師伐宋丁未戰于

宋

既書伐宋又重書戰者以見宋之無信也。莊十一年傳例曰皆陳曰戰。尤其無信故以獨戰為文。公羊傳何以不言師敗績內不言戰者戰

乃敗矣。胡傳責賂於鄭而無厭。屢盟於魯而無信者宋也。二國聲其罪以致討。故書曰伐然取其賂以立督者魯桓也。實其力以集國者鄭突也。春秋之義用賢治不肖不以亂易亂故又書曰戰于宋。來戰者罪在彼。往戰者罪在內。

得十二年夏盟于曲池平杞莒也

隱四年莒人伐杞自是遂不平。程子曰杞侯

皆當作紀隱二年紀莒盟于密是時紀諒齊難故魯桓與之盟莒以援之耳。

○公欲平宋鄭秋公及宋公盟于句瀆之邱

句瀆之邱即穀

邱也。宋以立厲公故多責賂於鄭。鄭人不堪故不平。○句古侯反。音具。吳氏澂曰左氏以為魯欲平宋鄭然此盟必是魯宋燕三國別有他事相要約非為鄭賂之事也。因是盟與宋成未可知也。故又會于虛。宋公相見而為鄭致請焉耳。

冬又會于龜。宋公辭平，故與鄭伯盟于武父。

宋公會鄭昭故

與公三會而卒，辭不與鄭平。

遂帥師而伐宋，戰焉。宋無信也。君子曰：

苟信不繼，盟無益也。詩云：君子屢盟，亂是用長。無

信也。

詩小雅言無信故數盟，數盟則情疏。情疏則締結故云長亂。長丁丈反。

○楚伐絞，軍其南門。莫敖屈瑕曰：絞小而輕輕，則

易謀，請無扞采樵者以誘之。

扞，衛也。樵，新也。輕，去聲。扞，戶旦反。

從之。絞

人獲三十人。

獲楚人也。

明日，絞人爭出，驅楚役徒於山中。

楚人坐其北門，而覆諸山下。

坐，猶守也。覆，設伏兵而待之。覆，扶又反。

大敗之。

為城下之盟而還。

城下盟，諸侯所深恥。

伐絞之役，楚師分涉於彭

彭水在新城昌魏縣。後漢志房陵有筑水即彭水也。故昌魏縣在今湖廣鄖陽府房縣西南。羅人欲伐之使伯

嘉謀之三巡數之

羅熊姓國在宜城縣西山中。後徙南郡枝江縣。伯嘉謀大夫謀伺也。巡徧也。今湖廣襄陽府

宜城縣西二十里羅川城乃羅故國其在岳州府平江縣南三十里之羅城是後徙處也。楚遷之枝江。今枝江縣屬湖廣荊州府。又自枝江徙長沙。今長沙府湘陰縣東六十里亦有羅城數上聲。

經十有三年春二月公會紀侯鄭伯己巳及齊侯

宋公衛侯燕人戰齊師宋師衛師燕師敗績

大崩曰敗績例

在莊十一年或稱人或稱師史異辭也。衛宣公未葬惠公稱侯以接鄰國非禮也。

○三月葬衛宣公

無傳胡

傳葬自內錄也。既與衛人戰曷為葬宣公。慈不葬慈怒不廢禮是。古人以葬為重也。禮喪在殯孤無外事。衛宣未葬朔乃即戎已為失禮。又不稱子是

以吉服從金革之事其為惡大矣。凡此類據事直書年月具存而惡自見也。

○夏大水

無傳

○秋七月

○冬十月無傳

傳十三年春楚屈瑕伐羅關伯比送之還謂其御

曰莫敖必敗舉趾高心不固矣也遂見楚子曰必

濟師難言屈瑕將敗故以益師諷諫○見音現難去聲楚子辭焉不解其旨故拒之○解戶買反入告夫

人鄧曼鄧曼曰大夫其非衆之謂鄧曼楚武王夫人言伯比意不在干益衆也

其謂君撫小民以信訓諸司以德而威莫敖以刑

也○以嚴明之政威其教莫敖狃於蒲騷之役將自用也狃快也蒲騷在十一年○

快時世反必小羅君若不鎮撫其不設備乎夫固謂君訓

衆而好鎮撫之撫小民以信也○好去聲名諸司而勸之以令德訓諸司以

也見莫敖而告諸天之不假易也

諸之也言天不借信也易之人莫敖以刑也

不然夫豈不知楚師之盡行也楚子使賴人追之

不及

賴國在義陽隨縣賴人仕于楚者。盡津忍反。後漢志襄信侯國有賴亭故賴國文獻通考賴國在襄信縣元省縣為鎮今在息縣東北其

地相接也杜注在義陽隨縣則去光州甚遠不知何據

莫敖使徇于

師曰諫者有刑

徇宣令也徇音殉

及鄢亂次以濟

鄢水在襄陽宜城縣入漢。孔

疏鄢水出新城汜鄉縣今湖廣襄陽府宜城縣南有宜城故城即古鄢國鄢音偃

遂無次且不設備及羅

羅與盧戎兩軍之

盧戎南蠻。即今中盧故城。在襄陽府南漳縣東五十里

大敗之莫敖

縊于荒谷羣帥囚于冶父

縊自經也荒谷冶父皆楚之。荆州記州東三里有三湖湖東有水名荒

谷在今湖廣荊州府水經注荒谷東岸有冶父城在今荊州府東

以聽刑楚子曰孤之罪也皆

免之

○宋多責賂於鄭立突鄭不堪命故以紀魯及齊與

宋衛燕戰不書所戰後也公後地期而及其戰故不書所戰之地○胡傳左氏以為鄭與宋殺穀梁

以為紀與齊戰趙匡考據經文內兵則以紀為主而先于鄭外兵則以齊為主而先于宋獨取穀梁之說蓋齊紀者世讎也齊人合三國以攻紀魯鄭援紀而與戰戰而不地於紀也

○鄭人來請脩好

經十有四年春正月公會鄭伯于曹修十二年武父之好以曹地曹與會

無冰無傳書時失○夏五不書月鄭伯使其弟語來盟○秋關文

八月壬申御廩災御廩藏公所親耕以奉粢盛之倉天火曰災例在宣十六年乙亥嘗

過也。既戒日致齊廩雖炎苟不害嘉穀則祭不應廢故書以示法。先去聲。

○冬十有二月丁巳齊

侯祿父卒

無傳隱六年盟于艾

○宋人以齊人蔡人衛人陳人

伐鄭

凡師能左右之曰以例在僖二十六年

傳十四年春會于曹曹人致餼禮也

熟曰饗生曰餼

○夏鄭子人來尋盟且修曹之會

子人即弟語也其後為子人氏

○秋八月壬申御廩災乙亥嘗書不害也

災其屋救之則息不及穀

故曰書不害。胡傳嘗祭時事之常則何以書春秋紀事以周月而以八月嘗則不時御廩災於壬申而嘗以乙亥是不改卜而供未易災之餘則不穀

書故

○冬宋人以諸侯伐鄭報宋之戰也

在十年

焚渠門入

及大逵

渠門鄭城門
遠道方九軌

伐東郊取牛首

東郊鄭郊牛首鄭邑○今
河南開封府陳留縣西南

十一里有
牛首城

以大宮之椽歸為盧門之椽

大宮鄭祖廟盧門宋城
門告伐而不告入取故

不書○

大音泰

經十有五年春二月天王使家父來求車○三月

乙未天王崩

無傳桓
王也

○夏四月己巳葬齊僖公

無傳○

五月鄭伯突出奔蔡

突既篡立權不足以自固又不能倚任祭
仲反與小臣造賊盜之計故以自奔為文

罪之也例
在昭三年

鄭世子忽復歸于鄭

勿實居君位故今還以復其位
之例為文也稱世子者忽為大

子有母氏之寵宗卿之援有功於諸侯此大子之盛者也而守介節以失大
國之助知三公子之強不從祭仲之言脩小善絜小行從匹夫之仁忘社稷
之大計故君子謂之善自為謀言不能謀國也父卒而不能自君鄭人亦不
君之出則降名以赴入則逆以太子之禮始於見遂終於見殺三公子更立

鄭國者實忽之由復歸例在成十八年。按朱子嘗謂忽之辭昏未為不正。不幸失國。非有大惡。詳見詩序辨中。程子曰：稱世子本當立者。許

叔入于許。許叔莊公弟也。隱十一年。鄭使許大夫奉許叔居許。東偏鄭莊公既卒。乃入居位。許人嘉之。以字告也。叔本不去國。雖稱入非

國逆。○公會齊侯于艾。○邾人牟人葛人來朝。無傳三

庸之世子也。其君應稱名。故其子降稱人。牟國今泰山牟縣。葛國在梁國寧陵縣東北。今山東濟南府東二十里有牟城。河南歸德府寧陵縣有葛城。

在汴河之南。孔疏：曹伯使世子射姑來朝。諸侯世子稱名。則附庸之世子稱人。又世子稱謂之等級也。○秋九月。鄭伯

突入于櫟。櫟鄭別都也。今河南陽翟縣。未得國。直書入無義例也。○櫟音歷。○陽翟今開封府禹州是也。○冬十

有一月。公會宋公衛侯陳侯于袤。伐鄭。袤宋地在沛國相縣西南。先行

會禮而後伐也。○袤昌氏反。○在今江南鳳陽府宿州。

傳十五年春。天王使家父來求車。非禮也。諸侯不

貢車服

車服上之所以賜下

天子不私求財

諸侯有常職貢

○祭仲專鄭伯患之使其壻雍糾殺之將享諸郊

雍姬知之謂其母曰父與夫孰親其母曰人盡夫

也父一而已胡可比也

婦人在室則天父出則天夫以為疑故母以所生為本解之

遂告

祭仲曰雍氏舍其室而將享子於郊吾惑之以告

祭仲殺雍糾尸諸周氏之汪

汪池也周氏鄭大夫殺而暴其尸以示戮也○暴步卜反

載以出

懲其見殺故載其尸共出國

曰謀及婦人宜其死也夏厲公

出奔蔡六月乙亥昭公入

○許叔入于許公會齊侯于艾謀定許也

○秋鄭伯因櫟人殺檀伯而遂居櫟

檀伯鄭守櫟大夫

○冬會于袤謀伐鄭將納厲公也弗克而還

經十有六年春正月公會宋公蔡侯衛侯于曹○

夏四月公會宋公衛侯陳侯蔡侯伐鄭

春既謀之今書會者魯諱議納

不正蔡常在衛上今序陳下蓋後至

○秋七月公至自伐鄭

用飲至之禮故書

○冬

城向

傳曰書時也而下有十一月舊說因謂傳誤此城向亦俱是十一月但本事異各隨本而書之耳經書夏叔弓如滕五月葬滕成公傳云

五月叔弓如滕即知但稱時者未必與下月異也又推校此年閏在六月則月却而節前水星可在十一月而正也詩云定之方中作于楚宮此未正中也功

役之事皆總指天象不與言麻數同也故傳之釋經皆通言一時不月別

○十有一月衛侯朔出奔

齊

惠公也朝護構取國故不言二公子逐罪之也○公羊傳衛侯朔何以名得罪于天子也見使守衛朔而不能使衛小眾越在岱陰齊屬負茲舍不

即罪耳。注朔十二月朔政事也。時天子使發小泉不能使行，越猶走也。屬託也。天子有疾，稱不豫，諸侯稱負茲，舍止也。託疾止不就罪。

傳十六年春正月會于曹謀伐鄭也。前年冬謀納厲公不克故復更謀。夏

伐鄭秋七月公至自伐鄭以飲至之禮也。

○冬城向書時也。

○初衛宣公烝於夷姜生急子。夷姜宣公之庶母也。上淫曰烝。屬諸右

公子爲之娶於齊而美公取之。生壽及朔。屬壽於

左公子。左右媵之子。因以爲號。孔疏。蓋宣公之兄弟屬音燭。爲去聲。夷姜縊。失寵而自經死。宣姜與

公子朔構急子。宣姜宣公所取急子之妻。構會其過惡。會古外反。公使諸齊使盜待

諸莘將殺之。莘衛地陽平縣西北有莘亭。公使去。莘亭故城在今山東東昌府莘縣北。壽子告之。

使行

行去也

不可曰。弃父之命。惡用子矣。

惡安也。惡音烏。

有無

父之國。則可也。及行。飲以酒。壽子。載其旌。以先。盜殺之急。子至。曰。我之求也。此何罪。請殺我乎。又殺之。二公子故怨惠公。十一月。左公子洩。右公子職。

立公子黔牟。

黔牟。魯公子。飲去聲。洩。息列反。黔。其廉反。

惠公奔齊。

張氏洽曰。朔立已五年。二公

子不能獨逐之。必因其陵蔑。天子周室欲討。而後二子得以行。其志所以莊六年。王人子突救衛。公羊氏之說。其必有所傳矣。

經十有七年。春正月丙辰。公會齊侯。紀侯。盟于黃

黃。齊地。路史登之。黃。縣東南。有古黃城。本紀邑。後入齊。今黃縣屬山東登州府。去魯殊遠。疑非會盟處。

○二月丙午。公

會邾儀父。盟于趯。

趯。魯地。稱字義與蔑盟同。二月無丙午。丙午。三月四日也。日月必有誤。○趯。翠軌反。○當在今山

東兗州府泗水鄒縣之間會公穀作及

○夏五月丙午及齊師戰于奚

奚魯地皆陳曰

戰○今兗州府滕縣南奚公山下有奚邑水經注夏車正奚仲之國

○六月丁丑蔡侯封人卒

十二年夫

夫盟于折

○秋八月蔡季自陳歸于蔡

季蔡侯弟也言歸為陳所納

癸巳葬

蔡桓侯

無傳稱侯蓋謬誤三月而葬速

○及宋人衛人伐邾○冬十月

朔日有食之

甲乙者歷之紀也晦朔者日月之會也日食不可以不存晦朔晦朔須甲乙而可推故日食必以書朔日為例

傳十七年春盟于黃平齊紀且謀衛故也

齊欲滅紀衛逐其君

○及邾儀父盟于趙尋蔑之盟也

蔑盟在隱元年

○夏及齊師戰于奚疆事也

爭疆界也

於是齊人侵魯疆

疆吏來告公曰疆場之事慎守其一而備其不虞

虞度也不虞猶不
意也。○場音亦
以信待故
不書侵伐

姑盡所備焉。事至而戰。又何謁焉。

齊景公而奏公

○蔡桓侯卒。蔡人召蔡季于陳。

桓侯無子故名季而立之季內得國人之望外有諸侯之

助故書字以善得衆稱歸以明外納

秋。蔡季自陳歸于蔡。蔡人嘉之也。

嘉以故以

字告。○公羊傳何氏休注。蔡侯封人無子。季次當立。封人欲立獻舞而疾害季。季辟之。陳封人死。歸反奔喪。思慕三年卒。無怨心。按封人卒。獻舞立。蔡季未嘗為君。杜氏誤合。蔡季獻舞為一人。

○伐邾。宋志也。

邾宋爭疆。魯從宋志背進之盟。

○冬十月朔。日有食之。不書。日官失之也。天子有

日官。諸侯有日。

御。日官日御。典歷數者。

日官居卿。以底日禮也。

曰官天子掌歷者不在六卿之數而位從卿故言居卿也底平也謂平歷數○底音旨

日御不失日以授百

官于朝

日官平歷以班諸侯諸侯奉之不失天時以授百官○趙氏官曰左氏曰不書日官失之非也或史官闕之或年深寫誤何關日

官日御乎

○初鄭伯將以高渠彌為卿昭公惡之固諫不聽

昭公立懼其殺已也辛卯弑昭公而立公子亶公子

公弟○君子謂昭公知所惡矣公子達曰公子達魯大夫高伯

其為戮乎復惡已甚矣復重也本為昭公所惡而復弑君重為惡也○復扶又反

經十有八年春王正月公會齊侯于灤灤水在濟南歷城縣西北入濟

○今山東濟南府城西的突泉即灤水之源蓋濟水伏流重發處灤音洛公與夫人姜氏遂如齊本

與夫人俱行至濼公與齊侯行會禮故
先書會樂既會而相隨至齊故曰遂

○夏四月丙子公薨于

齊

不言戕諱之也戕
例在宣十八年

丁酉公之喪至自齊

無傳告廟也丁酉五
月一日有日而無月

○秋七月○冬十有二月己丑葬我君桓公

無傳九
月乃葬

緩慢也

傳十八年春公將有行遂與姜氏如齊

始議
行事

申繻曰

女有家男有室無相瀆也謂之有禮易此必敗

女安
夫之

家夫安妻之室違此則為瀆今公
將姜氏如齊故知其當致禍亂

公會齊侯于濼遂及文姜

如齊齊侯通焉公謫之

謫譴也
謫直革反

以告

夫人告
齊侯

夏四月丙

子享公

齊侯為公設
享燕之禮

使公子彭生乘公公薨于車

上車曰
乘彭生

多力拉公幹而殺之
○乘去聲拉力答反

魯人告于齊曰寡君畏君之威不敢

寧居來修舊好禮成而不反無所歸咎惡於諸侯

請以彭生除之

除恥辱之惡也

齊人殺彭生

不書非卿

○秋齊侯師于首止

陳師首止討鄭弑君也首止衛地陳留襄邑縣東南有首鄉○今河南歸德府睢州即襄

邑也首鄉在州東南

子亶會之高渠彌相

不知齊欲討已

七月戊戌齊人

殺子亶而轅高渠彌

車裂曰轅○轅音患

祭仲逆鄭子于陳而

立之

鄭子昭公弟子儀也

是行也祭仲知之故稱疾不往人曰

祭仲以知免仲曰信也

時人議祭仲失忠臣之節仲以子亶為渠彌所立本既不正又不能固位安民

宜其見除故即而然譏者之言以明本意○知去聲

○周公欲弑莊王而立王子克

莊王桓王太子王子克莊王弟子儀

辛伯告

王遂與王殺周公黑肩王子克奔燕

辛伯周大夫

初子儀

有寵於桓王桓王屬諸周公辛伯諫曰竝后

妾如后

匹

嫡

庶如嫡

兩政

命

耦國

都如國

亂之本也周公弗從故及

及於亂也

春秋左傳杜注卷第二